



CONCELLERÍA
deportes

PROTOCOLO DE USO DAS INSTALACIÓNS DEPORTIVAS MUNICIPAIS

Covid-19



Ayuntamiento de A Coruña
Concello da Coruña



PROTOCOLO COVID-19 NAS INSTALACIÓNS DEPORTIVAS MUNICIPAIS

(Actualizado o día 30 de setembro de 2020)

1. OBXECTO

O Concello da Coruña, Concellería de Deportes, o día 30.09.2020, acordou modificar o Protocolo Covid-19 que recolle as normas de uso das instalacións deportivas municipais durante a tempada 2020/2021 e en tanto non se supere a crise sanitaria ocasionada pola Pandemia.

O dito protocolo, redactouse tendo en conta os acordos do Consello da Xunta de Galicia, por ser esta a autoridade competente en materia sanitaria, así como as normas propias do Concello da Coruña en canto ao uso das instalacións deportivas que son da súa titularidade.

En concreto, aténdese ao establecido na Orde do día 30 de setembro de 2020 (DOG núm. 198-bis) así como nas anteriores Ordes sempre e cando non foran derogadas por esta.

2. ÁMBITO DE APLICACIÓN

O protocolo será de obrigada aplicación en todas as instalacións deportivas municipais, situadas no termino municipal da Coruña, sempre e cando sexan instalacións de xestión directa.

No caso das instalacións deportivas xestionadas indirectamente mediante concesións, as empresas concesionarias deberán elaborar o seu propio protocolo atendendo ao establecido neste.

3. COORDINADOR/A COVID-19

O Concello da Coruña poñerá en coñecemento de todas as entidades deportivas da cidade da Coruña que adestren ou compitan nas súas instalacións deportivas este protocolo, o cal é de obrigada cumprimento para todas elas.

No caso de que se incumpra o protocolo, o Concello poderá impedirles a entrada nas instalacións deportivas municipais.

Co fin de garantir que se cumpre o establecido neste protocolo, cada entidade deportiva deberá entregarlle asinado ao Servizo Municipal de Deportes un documento de aceptación do protocolo así como de adhesión ao plan de autoprotección ou de emerxencia da instalación deportiva onde adestran e compiten. O documento achégase como Anexo I.

No documento de aceptación figurará a persoa que exercerá as funcións de **Coordinador/a Covid-19**, que será unha persoa da entidade deportiva que asumirá a responsabilidade de que se cumpran todas as medidas de protección da saúde



establecidas tanto neste protocolo como no resto de normativa de aplicación, así como un teléfono de contacto de esa persoa.

A maiores, cando se trate de entidades deportivas que conteñan un número elevados de equipos, poderase nomear a un **Delegado/a Covid-19** por cada equipo que actuará de acordo coas ordes dadas polo/a Coordinador/a Covid-19.

O/A Coordinador/a e o/a Delegado/a poderán ser a mesma persoa.

En todo caso, a persoa nomeada debe estar presente, en todo momento, tanto nos adestramentos como nas competicións.

Sería recomendable, co fin de garantir a seguridade das persoas, que o Coordinador/a ou Delegado/a Covid-19 fose distinto do adestrador ou adestradora, podendo incluso exercer as funcións de Delegado/a unha persoa voluntaria que non pertenza ao club ou entidade deportiva, sempre e cando se responsabilice das súas funcións.

Non será preciso achegar, con carácter previo, a listaxe dos/as Delegados/as Covid-19 de cada equipo. Non obstante, o Servizo Municipal de Deporte poderá supervisar en calquera momento que exista esa persoa nos adestramentos e competicións, no caso de que non estea presente o/a Coordinador/a Covid-19.

Esa persoa figurará no Libro de rexistro achegado pola entidade.

4. COMUNICACIÓN DE CASOS POSITIVOS POR COVID-19

As entidades deportivas comprométense a comunicarlle ao técnico/a municipal responsable de cada instalación os casos positivos por Covid-19 que poidan xurdir respecto de todas aquelas persoas que accedan as instalacións deportivas municipais.

A comunicación deberá realizarse no mesmo momento en que se coñeza o positivo e por calquera medio que garanta que chega a dita información ao Servizo Municipal de Deportes.

A maiores, deberase formalizar o dito comunicado por escrito mediante presentación do documento por Rexistro, no primeiro día hábil seguinte a coñecer o positivo. A presentación de este escrito debe vir acompañada da relación de persoas que tiveron contacto co positivo no mesmo equipo.

Nos casos de que existan casos positivos nun equipo, o Concello da Coruña poderá decidir pechar a instalación para unha desinfección e limpeza en profundidade.

Ademais, a entidade deportiva terá a obriga de comunicarlle á Consellería de Sanidade que a persoa positiva por Covid-19 adestra ou compite nunha instalación deportiva municipal e nun equipo en concreto, co fin de conseguir que se lle fagan test Covid-19 a todas as persoas que tiveron contacto.



5. NORMAS DE USO DAS INSTALACIÓNS

5.1 PERSOAL AUTORIZADO PARA ACCEDER ÁS INSTALACIÓNS DEPORTIVAS MUNICIPAIS

O acceso ás instalacións deportivas municipais estará restrinxido única e exclusivamente a xogadores/as e técnicos/as da entidade deportiva que acudan habitualmente aos adestramentos.

En ningún caso os grupos poderán ser superiores aos establecidos na normativa autonómica. No caso concreto de grupos estables, deberase enviar por Rexistro, unha listaxe das persoas que compoñen cada grupo estable.

A persoa Coordinadora Covid-19 (ou no seu caso Delegada Covid-19) realizará un control estrito do acceso ás instalacións deportivas, restrinxido ás persoas debidamente autorizadas. As persoas autorizadas serán as estritamente necesarias para realizar un adestramento, así como o Coordinador/a ou Delegado/a Covid-19.

Isto é fundamental para controlar o aforo permitido en cada instalación.

No caso de que deba acceder algunha outra persoa da entidade que non é habitual, deberase contar coa autorización expresa do director de cada instalación e se é posible deberase comunicar con anterioridade.

5.2 LIBRO DE REXISTROS E CONTROL DA TEMPERATURA

Todos os días, á entrada da instalación, o/a Coordinador/a Covid-19 (ou no seu caso Delegado/a) fará un rexistro co nome e apelidos, hora de entrada, hora de saída e temperatura corporal de todas as persoas da entidade que acceda á instalación.

Esta información recollerase nun **Libro de Rexistros**.

O Libro de Rexistros, que será deseñado por cada entidade, recollerá ademais todas as incidencias de seguridade ou sanitarias identificadas.

Unha copia das devanditas incidencias remitiráselle ao técnico municipal responsable de cada instalación.

No caso de que a temperatura corporal supere os 37.4 grados, a persoa non poderá acceder á instalación deportiva.

É dicir, **está prohibido entrar nunha instalación deportiva municipal con 37.5 grados ou mais.**



5.3 MATERIAL DE PROTECCIÓN

Na porta de acceso das instalacións deportivas, a entidade poñerá ao disposición dos/as deportistas e técnicos/as máscaras e solucións desinfectantes que cumpran as especificacións técnicas e estándares de calidade marcados polo Ministerio de Sanidade

Non se poderá acceder ás instalacións sen máscaras de protección.

5.4 SAÍDA E ENTRADA DAS INSTALACIÓNS DEPORTIVAS

Cada equipo poderá acceder ás instalacións deportivas nas horas marcadas na resolución pola que se lle concederá o uso das instalacións deportivas municipais.

Non obstante, mentres dure esta situación de Pandemia, **a saída deberase producir 5 minutos antes da hora habitual**, o cal quedará marcado na propia resolución.

Este tempo é necesario para evitar os contactos co equipo entrante.

En ningún caso poderá acceder un equipo a unha instalación deportiva municipal se o outro equipo aínda non abandonou o recinto destinado ao adestramento. Nese caso, o persoal de conserxería impediralle a entrada ao equipo que corresponda.

5.5 USO DE VESTIARIOS E DUCHAS

Tendo en conta a cantidade de equipos e competicións que se desenvolven semanalmente nas instalacións deportivas municipais, e debido ao aforo limitado marcado para os vestiarios.

Debido, ademais, a que o uso dos ditos vestiarios non se recomenda polo persoal sanitario polo posible foco de contaxios, o uso regularase do seguinte xeito:

1. Aforo limitado a 1 persoa por cada 4 metros cadrados. O aforo estará marcado na porta do vestiario.
2. Separación de 1,5 metros entre cada usuario/a.
3. Máscara obrigatoria, salvo na ducha.
4. Duchas con separación de 1,5 metros.
5. Está prohibido tirar a roupa e toallas no chan.



6. **No caso da realización de adestramentos**, non estará permitido o uso dos vestiarios, coa única excepción dos equipos que teñen un vestiario con uso preferente no Palacio dos Deportes de Riazor, sempre e cando o Concello da Coruña non lle asigne outro uso aos ditos vestiarios.

7. No caso de competicións, atenderase ao seguinte:

Competicións de carácter local: non se permitirá o uso de vestiarios, coa única excepción dos equipos que teñen un vestiario con uso preferente no Palacio dos Deportes de Riazor, sempre e cando o Concello da Coruña non lle asigne outro uso aos ditos vestiarios.

Resto de competicións: só se lle permitirá o uso dos vestiarios aos equipos visitantes. Neste caso, só se poderá utilizar o vestiario ao rematar a competición, para duchas e cambio de roupa e respectando os aforos e turnos marcados. Para iniciar a competición, cada deportista deberá acudir á instalación co equipamento deportivo necesario ou ven poñelo no espazo habilitado ao efecto.

Correspóndelle ás entidades deportivas informar debidamente aos equipos visitantes destas normas.

8. En todo caso, estas regras poden variar en función das actividades programadas e dos espazos dispoñibles nas instalacións. Correspóndelle ao técnico/a responsable de cada instalación decidir sobre cada caso concreto, garantindo sempre a seguridade das persoas.

5.6 LIMPEZA E DESINFECCIÓN

O Concello da Coruña encargárase da limpeza das instalacións deportivas municipais así como da desinfección que considere necesaria.

Non obstante, cada entidade debe manter limpo e desinfectado o material (xa sexa propio ou cedido polo Concello), así como o seu espazo de adestramento. Neste sentido, está prohibido cuspir, tirar papeis, máscaras ou roupa no chan, etc.

No caso concreto dos ximnasiaos, e debido ao posible foco de infección que se pode xerar, cada entidade deberá encargarse de desinfectar as máquinas, tanto entre uso e uso de cada persoa, como ao rematar a utilización do mesmo co fin de que quede desinfectado para a entrada do seguinte equipo.



5.7 NÚMERO MÁXIMO NOS GRUPOS DE ADESTRAMENTO

Atenderase ao establecido pola normativa autonómica. No día en que se redactou este protocolo está marcado o seguinte:

No caso de actividade física non federada: máximo 25 persoas e en todo caso co límite de 2/3 do aforo.

No caso de competicións nacionais de carácter profesional, poderase adestrar en grupos estables.

No caso de competicións deportivas oficiais non profesionais de ámbito estatal que poidan implicar contacto físico, poderase adestrar en grupos de composición estable.

No resto de competición federada, de categoría autonómica ou inferior: a práctica da actividade deportiva poderase realizar de forma individual ou colectiva, sen contacto físico, e ata un máximo de 25 persoas simultaneamente nos adestramentos. Non se aplicará este límite nas competicións onde as regras federativas garantan espazos diferenciados para cada equipo.

En todo caso, as regras anteriores deberán axustarse ao establecido na normativa autonómica para as instalacións deportivas.

No caso de grupos de composición estable, deberase enviar unha listaxe por Rexistro, dirixida ao Servizo Municipal de Deportes que conteña todos os nomes e apelidos.

5.8 USO DA MÁSCARA NOS ADESTRAMENTOS E COMPETICIÓNS

Atenderase ao establecido pola normativa autonómica. No día en que se redactou este protocolo está marcado o seguinte:

No caso de actividade física no federada: será sempre obrigatoria.

No caso de competición profesional e non profesional de carácter estatal: non deberán ter máscara os e as deportistas no momento de estar na pista. Nos demais casos deberán levala sempre posta.

No caso de competición de carácter autonómica: atenderase ao establecido no protocolo de cada federación. No caso de que non estea regulado será obrigatoria salvo que a federación propoña outros medios alternativos de protección.

No resto de competicións: será sempre obrigatoria.



5.9 AFORO DOS/AS ESPECTADORES/AS NAS COMPETICIÓNS

Correspóndelle á entidade deportiva o control de acceso dos/as espectadores/as na instalacións deportivas municipais.

Asimesmo, correspóndelle a entidade deportiva levar un rexistro das persoas autorizadas para acceder ás instalacións como espectadores/as en cada competición.

Esa listaxe debe estar no seu poder por se o solicitan as autoridades sanitarias ou o Servizo Municipal de Deportes.

Se a entidade non pode garantir ese control de accesos, non estará permitida a entrada mais que dos e das deportistas, corpo técnico, directiva e medios de comunicación.

O control de accesos implica: listaxe dos asistentes e deportistas, control da temperatura e desinfección das mans e do calzado.

Non poderá acceder a unha instalación deportiva calquera persoa que teña unha temperatura corporal de 37.5 grados ou superior.

Os medios para o control de accesos deberán poñelos as propias entidades deportivas.

No control de accesos garantirase que se cumpre co aforo máximo permitido pola normativa autonómica en materia de Covid-19, así como coa distancia interpersonal de 1,5 metros.

En tanto no se aprobe por parte do Concello da Coruña un protocolo xeral de uso das instalacións deportivas que recolla o aforo permitido máximo así como as posibles ampliacións, deberase respectar o establecido na normativa autonómica.

Cada entidade deberá consultar co Concello da Coruña o número de espectadores/as que poden entrar en cada instalación en función do aforo.

Os/as espectadores/as que acuda ás instalacións deportivas municipais deberán levar máscara en todo momento, desinfectar as mans na entrada e antes de acudir a un aseo, e desinfectar o calzado.

5.10 TEST COVID-19

No caso de que, de acordo coa normativa autonómica e protocolos federativos, os clubs deban realizar test serolóxicos ou de outro tipo co fin de detectar casos de positivos por Covid-19, o dito club deberá comunicarlle os resultados ao Concello da Coruña antes da celebración dunha competición nas instalacións deportivas municipais. Ademais, o club será responsable de comprobar que as persoas que figuran nos ditos test sexan as mesmas que acceden ás instalacións.



5.11 OUTRAS NORMAS

- i. Os deportistas e técnicos do club evitarán tocar obxectos e/ou superficies innecesarias.
- ii. Os deportistas e técnicos do club non compartirán material de adestramento, bebidas ou outros produtos.
- iii. Está totalmente prohibido cuspir, tirar a roupa ou calzado polo chan, tirar papeis ou panos no chan, as concentracións de xente nos espazos de paso das persoas e calquera outra conducta que poida dar lugar a un posible contaxio por Covid-19.
- iv. Cando os deportistas quiten a máscara para realizar o adestramento deberán manter en todo momento a distancia de seguridade. En todo caso, deberán levar a máscara posta nos espazos comúns (excepto na pista), así como nos vestiarios.
- iv. Por non dispoñer de espazos onde ducharse os deportistas quitarán a camiseta, lavarán as mans con xel hidroalcohólico e poñerán unha camiseta seca para saír da instalación deportiva nos espazos que se lles asigne.
- v. Os deportistas e técnicos do club gardarán a roupa de adestramento, calzado e a toalla, se a utilizasen, en bolsas de plástico.

6. SUPERVISIÓN DO CUMPRIMENTO DO PROTOCOLO COVID-19

O cumprimento dos puntos establecidos neste protocolo será supervisado polo/a técnico/a municipal responsable da instalación e, na súa falta, polo persoal conserxe de servizo da mesma.

No caso de que o Servizo Municipal de Deportes o considere necesario, poderase contratar a unha empresa especializada para realizar a dita supervisión así como un informe das posibles incidencias.

A entidade deportiva estará obrigada a poñer a disposición desta persoa toda a información requirida así como a atender ás súas peticións neste sentido.

O incumprimento dalgunha destas normas poderá dar lugar ao cesamento do uso da instalación deportiva municipal.

7. SINATURA DO DOCUMENTO DE ASUNCIÓN DO PROTOCOLO

A entidade deberá entregar asinado ante o Servizo Municipal de Deportes, por Rexistro, o documento do Anexo I polo que se compromete a cumprir con este protocolo así como co plan de autoprotección da instalación ou plan de emerxencia, no seu caso.



8. VIXENCIA

Este protocolo entrará en vigor a partir do día seguinte ao que se publique na páxina web municipal (www.coruna.gal/deportes) e manterá a súa vixencia en tanto unha normativa superior non o derroga en todo ou en parte, ou en tanto o Concello da Coruña non elabore outro posterior.

A Coruña, na data da sinatura electrónica

A concelleira delegada de Deportes